



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LESIBILI (P2)

FEBHERBARI/MATJHI 2012

IMEMORANDAMU

IMITLOMELO: 80

Imemorandum le inamakhasi ama-22.

ISIGABA A: IINKONDLO**UMBUZO 1: Lisani – DM Jiyane**

Nakukhulunywa ngommoya ekondlweni kusuke kuqalwa imizwa yembongi evezwa magama neenthombe-gqondo ezisebenzisileko nayihaya ikondlo yayo. Imbongi isebezisa amagama adanisako nayiseenhlungwininofana athabisako nayisebumnandini. Nasiyelela ikondlo le sithola bona imbongi izwakalisa ummoya wokudana. Imbongi idaniswa kuziphatha kwabantu. Izwakala idane khulu ngokubonaabantu barhuluphele ukwenza izinto ezimbi ezinjengokuba nomona, ukuninana nokhunye. Imbongi isebezise amagama alandelako ukuzwakalisa ummoya lo.

Lisani umona nokuvilapha > ngalokhu imbonge inqophe ukuthi abantu abalise ukumonakalelana basebenze.

Lisani ukuninana > Ngalokhu imbongi inqophe ukuyeletisa abantu bona balise ukuninana kodwana bathandane.

Lisani ukukhanukela > Imbongi inqophe ukuthi abantu abalise ukurhalela izinto zabantu bazenzele zabo.

Lisani ukubulalana > Imbongi inqophe ukuyeletisa bona abantu abalise ukubulala abanye abantu kodwana bahlalisane.

Lisani ukuthukana nokunyazana > Imbongi inqophe ukuthi abantu abangakhulumi kumbi nofana bathathelle abanye abantu phasi kodwana akube nokuhloniphana.

Lisani ukuhlanganisa nokukhulumamala > Imbongi inqophe ukuthi abantu abalise ukulwisa nokukhulumai zinto ezimbi ngabanye abantu.

Lisani inturhu nenzondo > Imbongi inqophe ukuthi abantu abalise ukulwa nokuhloyaabanye abantu balethe ukucwenga nokuthula.

Nasiyelela ihlathululo yamagama ahlathululwe ngehla la kuyezwakala bona imbongi ikwazile ukukhetha amagama afaneleko ukuzwakalisa ummoya wokudana ekondlwenile

(Umfundi angakhetha nanyana ngimaphi amagama ikani nakaveza ummoya wokudana)

[10]

NOFANA**UMBUZO 2: Amala – JK Mahlangu**

- | | | |
|-----|--|-----|
| 2.1 | Mala ndina wavelaphi? | (1) |
| 2.2 | Lirhwala. | (1) |
| 2.3 | Imbongi inyefula amala ngendlela amenzisa izinto ezimbi ngayo. | (2) |
| 2.4 | Inqophe ukobana ayisakghoni ukuhlala ingakhulumiamala.
- Inqophe ukobana seyijayele ukukhulumamala. | (2) |
| 2.5 | Abanye abaku <u>thandi thandi</u> > Inqophe ukugandelela indlela abanye abantu abazonda ngayo amala. | (2) |

- 2.6 Kungombana lapha kudlule khona isivunguvungu imizi isala iphephukile, nje-ke namala nawo abhiriza imizi yabantu. (2)
[10]

NOFANA**UMBUZO 3: Isizi – JN Malobola**

- 3.1 eWagendrift. (1)
- 3.2 - Botitjhere.
- Bafundi.
- Ziiinsebenzi zombuso. (3)
- 3.3 Yenzeka ekuseni ngombana emuden wesi-6 ukuya kewobu-8 imbongi ithi woke umuntu bekahlophe ukuyokufika lapho alima khona. (2)
- 3.4 Sisenzamuntu > Simumethe umqondo wokutjhinga kwelanga. (2)
- 3.5 Aletha umqondo wokobana ingozi eyenzeka eWagendrift le yabanga amatluwo ngesikhatjhana esincani endaweni yakwaNdebele. (2)
[10]

NOFANA**UMBUZO 4: Kosi Somandla Ngiyazinikela – MS Ntuli**

- 4.1 Inqophise kuZimu. (1)
- 4.2 Yivumelwano-phakathi elibangwa litjhada u-z. (1)
- 4.3 Ummongo-ndaba wekondlo kukuzisola komuntu obekade enza izenzo ezimbi. Nje-ke sele atjhugulukile ezenzweni zakhe ezimbi azinikele kuZimu. (2)
- 4.4 Yivumelwano-phakathi > Imbongi ilisebenzisele ukugandelela indlela ebeyizimisela ngayo ekwenzeni izinto ezimbi. (2)
- 4.5 Akusilo iqiniso ngombana emuden we-19 newa-20 imbongi idinwe kudunduzela zephasi zaphezulu zihlome ngeKosi.
(Nanyana ngiyiphi ipendulo enembako ingathathwa.) (2)
- 4.6 Isem moyeni wokuthaba > Imbongi ithatjiswa kukobana sele itjhugulukile ekwenzeni izenzo ezimbi. Siyizwa ithi inldlela kaZimu ithembekile.
- Isem moyeni wokudana > Imbongi idaniswa yindlela embi nofana engakalungi ebe iyikhamba ngaphambi kobana itjhuguluke. (2)
[10]

KANYE

UMBUZO 5: Kuwe Phasi – MS Ntuli

linthombe-ngqondo zibunjwa magama aletha ukufanisa nokulinganisa into enye neny. Amagama aziinthombe-gqondo aletha iinthombe ezithileko emkhumbulweni waloyo ofunda loyomtlolo. Kilekondlo sizokutjheja iinthombe-ngqondo ezisetjenziswe yimbongi bese siyahlathulula bona ziwuthinta njani ummongo-ndaba wekondlo le.

- Phasi lepilo nokufa > **mqondo phikisana** – Imbongi isebezise isithombe- ngqondo lesi ukuveza bona ephasinapha kuyaphilwa begodu ngakelinye ihlangothi kuyafiwa.
- Nokho ubhebhule > **Sisenzamuntu** – imbongi ithi iphasi libhebhulile inga mumuntu.
- Ufumbethe onzima wabuthelela nomhlophe > **Isihlanakela** – amagama athi onzima nomhlophe ahlathulula iintjhaba zabantu abanzima nabamhlophe. Isihlanakela esisetjenziswe lapha kusebenzisa amagama atjho umbala esikhundleni seentjhaba ezithileko.
- Boke ubathwele ngehlombe lakho > **Sisenzamuntu** – Imbongi ihlathulula bona boke abantu bayo ekufeni.
- Usithubi somuhlwa > **Isijameleli** – Igama elithi isithubi lijamele elithi iphasi.
- Kuthiwe uyipilo > **Isingathekiso** – Imbongi ithi abanye bathatha ukufa njengento ekumele yenzeke.
- Mina ngithi ukukufa > **Isingathekiso** – Imbongi ithi kiyo ukufa kuzakuhlala kukukufa.
- Okugodusa isikhathi singakafiki > **Isihlonipho** – Imbongi isebezise igama elithi okugodusa esikhundleni sokubulala.
- Okulalisa magwegwe > **Isihlonipho** – Imbongi isebezise igama okulalisa esikhundleni sokubulala.
- Inga umuntu uzakuvuka ayele futhi > **Isihlonipho** – Imbongi isebezise amagama athi ayele futhi esikhundleni sokuthi athi afele futhi.

Nasiyelela iinthombe-ngqondo ezibalwe ngehla kuyavela bona ummongo-ndaba wekondlo le kukufa. Imbongi iveza bona ukufa akulawulwa kodwana kuyazilawula. Imbongi iveza bona ukufa kuthatha nanyana ngubani okumfunako. Akukhethi bonyana umncani nanyana umkhulu, umhlophe nanyana unzima. linthombe-ngqondo ezisetjenziswe yimbongi ziyathintana nommongo-ndaba wayo ngombana ziwubeka tjhatjhalazi uzuwiwe nanyana ngubani oyifundako. Ngalokho singatjho bona iinthombe ngqondwezi zigandelela ummoya wokufa.

(10)

NOFANA

UMBUZO 6: Umona – MS Ntuli

- 6.1 Yivuma-ngokuphika.
 - Yivumelwano-phakathi.
 - Sithiyeleli
 (Umfundi angatlola OKUBILI kilokhu)
 (2)
- 6.2 Ihlathulula ukuthi umona yinto engaphakathi komuntu awuveli ngaphandle woke umuntu awubone.
 (2)

- 6.3 Umumethe umqondo wokobana umuntu onomona izinto zakhe uenza zingabonakalanofana ebusuku bese emini azenze olungileko. (2)
- 6.4 - Uphetjhulwa mumoya.
- Urhurhulwa mamanzi. (2)
- 6.5 Ingathekise umona nesirhulurhulu ngomnqopho wokuveza bona umuntu onomona izinto zakhe azibonakali ngombana kanengi uenza ebusuku njengesirhulurhulu sona esitjhagala ebusuku silale emini. (2)
[10]

IMITLOMELO YESIGABA A: **30**

ISIGABA B: INOVELA**UMBUZO 7: MBALA NGUBABA – PB Skhosana****IGRIDY YOKUTSWAYA I-ESEYI**

AMAKHOWUDU NOKWABIWA KWEMITLOMELO	OKUMUMETHWEKO (15)			ISAKHIWO NELIMI (10)
	Ukuhlathululwa kwestiokho: Ukungenelela kokunikelwa kwamaphuzu azwakalako, ukusekela kanye nelwazi lencwadi (lenovela)			
	Imitlomelo		Imitlomelo	
Ikhowudu 7 100–80%	Kuhle khulu 12–15	Uhlathulule isihloko ngokungeleleko begodu uwathinte woke amaphuzu amayelana nesihloko. Uphendule ngendlela ehlile khulu. Kunamaphuzu amanengi asekelwe ngokunembako anqophiswa encwadini/ethekstini. Incwadi uiyizwisiso kuhle khulu kanye netheksti ekhutjhiweko. Umfundi ukwazile ukutlola inani lamagama elibekiweko.	Kuhle khulu 8–10	Umtlolo uhleleke kuhle. Kunesingeniso nesiphetho ezisezingeni elihle khulu. Kunokuthuthuka kwamaphuzu begodu azwakala kuhle. Ilimi, ukuzwakala kanye nokwethulwa kwamaphuzu azwakala kuhle atjengisa ukutjhube kwengqondo.
Ikhowudu 6 70–79%	Kuhle 11	Uhlathulule isihloko ngendlela enembako. Amaphuzu amanengi ngesihloko aveziwe. Unikele iimpendulo ezipheleleko. Amaphuzu anikelweko asekelwe kwezwakala begodu asekelwa kwanqophiswa encwadini/ethekstini. Incwadi uiyizwisiso kuhle. Umfundi ulinge ngokwanelisako ekufinyeleleni enanini lamagama elibekiweko.	Kuhle 7	Indaba/I-Eseyi ihleleke kuhle. Kunesingeniso esihle kanye nesiphetho. Imibono nokusekela kuyezwakala begodu kulula ukulandela. indaba. Indaba yethulwe kuhle. Ilimi, isakhiwo nokuzwakala kwendaba kuyafuwanelia umtlolo.
Ikhowudu 5 60–69%	Kusezingeni eliphezulu 9–10	Utgengise ukuzwisia umfundi. Impendulo pheze ziyakhambelana nesihloko. Imibono esekelweko ikhona kodwana ayikavezwa yoke begodu ayikasekelwa njengombana bekulindelekile. Kunobufakazi obutjengisa bonyana uyayizwisia incwadi nanyana itheksti. Umfundi ukwazile ukuveza okulindelekileko kodwana akakafinyeleleni enanini elibekiweko.	Kusezingeni eliphezulu 6	Isakhiwo esihle nokusekelwa kwemibono okulandelekako. Isingeniso, isiphetho kanye neengaba kuhleleke kuhle. Imibono iveauye beyasekelwa yezwakala. Kungatjhiwo ngokungangabazi bonyana ilimi, ukuzwakala kanye nesakhiwo sendaba kuyezwakala.
Ikhowudu 4 50–59%	Kusezingeni elanelisako 8	Isihloko usizwisiso bewasilathulula ngendlela ephakathi begodu neminingwana ayikavezwa yoke. Amaphuzu amanengi asekela imibono eminengi akakavezwa ngendlela eyanelisako. Unelwazi elisezingeni eliphasi omtolelo ofundwako nanyana letheksthi. Umfundi pheze ukghonile ukufinyelela amaphesende ama-50 wenani lamagama alindelekileko.	Kusezingeni elanelisako 5	Bukhona ubufakazi besakhiwo. Indaba/leseyi ayinakho ukunamatelana kwamaphuzu begodu ayilandelesi. Kuneemphoso ezenziwe elimini, ekuzwakaleni kwendaba kanye nekuhlweleni kwendaba. Kodwana iingaba zakhiwe kuhle.

Ikhowudu 3 49–49%	Kusezingeni elilingeneko 6–7	Akakaphumeleli ukuphendula umbuzo, iimpendulo zihlangahlangene. Umbuzo akakawuzwisisi kuhle. Akukasekelwa kwezwakala begodu akukanqophiswa encwadini. Abafundi abakayizwisisi incwadi nanyana itheksti. Inani lamagama elisetjenziswe mfundi lingaphasi kwamaphesende ama-50.	Kusezingeni elilingeneko 4	Sitjengisa iimphoso. Akukasekelwa kwezwakala begodu iimpendulo zihlangahlangene. Akukasetjenziswa iingaba. Kubonakala iimphoso zelimi ezinengi. Ukuzwakala kanye nelimi akukhambelani nomnqopho womtlo/r.J 10
Ikhowudu 2 30–39%	Kusezingeni eliphasi 5	Isihloko akakasizwisisi kuhle. Ubuyelete amaphuzu kezinye iindawo uveze namaphuzu angafunekiko. Akakatloli amaphuzu azwakalako/ Amaphuzu awatlolileko akukasekelwa kuhle bekwazwakala. Akayazi kuhle itheksti kanye nencwadi le. Inani lamagama asetjenziswe mfundi lincani kunalelo elibekiweko.	Kusezingeni eliphasi 3	Indaba ayikethulwa ngefanelo ukungakahlelwa kuhle ngikho okwenza ukulandelana kwamaphuzu kungezwakali. Kuneemphoso ezinengi zelimi begodu nokusetjenziswa kweleli okunganembiko kwenza umtlolo 10 ungezwakali.
Ikhowudu1 29–0%	Akakaphumeleli 0–4	Iimpendulo ezinikelweko azizwakali begodu azikanamathehi esihlokweni esinikelweko, kulikhuni ukuzilandela nanyana azikhambeleni nombuzo. Uhlulekile ukunikela iimpendulo ekungizo. Amaphuzu ambalwa awanikeleko akukasekelwa. Incwadi kanye netheksti akayazi kuhle. Inani lamagama asetjenziswe mfundi lincani khulunofana linengi khulu kunalelo elibekiweko.	Akakaphumeleli 0–2	Kulikhuni ukutjho bonyana kukhulunywe ngokwanelisako ngesihloko. Abukho ubufakazi bokuhlelwa kwasakhwiwo nanyana ukulandelana kwamaphuzu. Ilimi elisetjenzisiweko lisezingeni eliphasi khulu begodu alizwakali.

Isibonele

Okum-Kh-(Tlola ikhowudu enikelweko)-(Imitlomelo)

Isak-Kh-(Tlola ikhowudu enikelweko)-(Imitlomelo)

Isibonele nasi ngenzasi

Okum-Kh- 6-11

Isak- Kh - 4-5

=16

UMHLAHLANDLELA WOKUTSHWAYA UMBUZO 7

Abatloli bemitlolo esuselwa ehloko batlola ngezenzuko ezithileko ngeminqopho yokuthinta imizwa yethu. Kanengi lezozenzo zisuke zithinte imimmoya yethu ngeendlela ezahlukahlukene ko ukusukela ekuthomeni bekuyokufika esiphethweni, kuye ngokuthi loyo mtlolo uveza wuphi ummoya. Umtlolo ungasidevezela ummoya wethabo nofana wokudana. Nasiyelela indlela umtloli wenovela le asethulele yona ngayo singatjho bona uphumelele ukuveza ummoya wokudana nokutjhuguluka kwalokho ebekulindelwe.

Esingenisweni senovela le sithola kunommoya wokudana nesizi ngombana zisuka phasi sethulelwa umngqwabo kanomzana uBongwe. Boke abantu beMadlangeni bebabonakala imimmoya yabo iphasi ngesibanga sokulahlekelwa yindoda ebeyaziwa kangaka. Bathi babetheke iduma elingapholiko. Nasifika emzimbeni wayo sifumana isehlakalo sokubangwa kwelifa emndenini kaBongwe. Kuthe ngemva kobana umndeni kaBongwe wethulelwwe isifiso sakabongwe kwaba khona ukungezwani ngombana sasingabafaki boke abentwabakhe. UMavela olizibulo lakaBongwe ubegade afuna bona sitjhugululwe ngesibanga sokobana yena sele amkhulu angeze akwazi ukubuyela esikolweni unina wala. Lokho kwaletha ipi hlangana nomndeni ngombana uMavela ugcine sele asilwa nomndeni woke. Kube nommoya odanisa khulu ukubona kunganakuzwana emzini kaBongwe.

Ukungezwani nepi ephakathi komndeni kaBongwe yenze uMavela eze neqhinga lokweba iinkomo zakwabo. Kwaba lisizi kuNaMtshweni ngeline ilanga avuka ekuseni afumana ezinye iinkomo zakhe zetjiwe. Emthandazweni wakhe ubonakele athatha ithemba lakhe alibeka kuZimu ngombana uwakele asithi, kulungile abawadle amandla weendlhadlha lawo kodwana uZimu ukhona.

Kuthe kusese njalo kwavela ilizwi elivela emapholiseni bonyana iinkomo zakhe zitholakele. Kwaba ziindaba ezimnandi khulu eendlebeni zaNaMtshweni bekwabonakala sele afikelwa mummoya wokuthaba nakezwa nokobana namasela azebileko nawo atholakele. Sifumana ithabo lakhona liqedwa kubona bonyana omunye wabebi beenkomo mntwanakhe uMavela. Isehlakalwesi sambangela ummoya wesizi khulu ngombana bekangacabangi bona uMavela angeba iinkomo zakwabo ngebanga lokobana waziwa ayokufuna umsebenzi ePitori. Kungebangelo sithi inovela le kusuka ekuthomeni bekube sekugcineni inommoya wokudana nesizi.

Kuthe nabafulathela indlela kwafika izibulo lakaBongwe ngehoso yokuzokubamdlalifa/ yokuzokutlhgomela ilifa lakayise. Lifika nje sele kunendlela yesikhwa ekusifiso (i-Will) abameli abayethulele uNaMtshweni eyenziwa mumufi asaphila. UMavela uthe nakatjelwa ngendlela isifiso sakabongwe esitolwe ngayo, wabona kungcono ebe iinkomo zakwabo ngehoso yokudla ingcenyne yakhe ngombana angeze akwazi ukubuyela esikolweni ngebanga lokobana sele amdala. Ukwetjiwa kweenkomo kuletha ummoya wokudana emdenini wakwaBongwe. Ngemva kobana sele azitjela bonyana uyithethe ingcenyne yakhe kwafika lapha abotjhwa khona. Kwaba kuhkona akholwako bona kwamambala isifiswesi sitlolwe nguyise.

Inovela le iphetheke ngesiphetho-phekghu ngombana uNaMtshweni banoNaKabini bebasazi uMavela ayokufuna umsebenzi ePitori. Ngehlangothini labo ukobana atholakale ahlangana nabebi beenkomo zakaNaMtshweni kube yinto ebebengakayilindeli nakancani. Kanti ngehlangothini labafundi benovela le iqhinga lokutjhuguluka kwalokho ebe kulindelwe alikaveli kuhle ngombana besele sivezelwe ukobana uMavela uphezu kweqhinga lokweba iinkomo, nje-ke siyazi bona umuntu nakenza izenzo ezifana nezokweba ugcina abotjhiwe. Njengabafundi kuvele ebegade sikulindele esiphethweni, ngalokho singatjho sithi ayikaphetheki kuhle.

[25]

NOFANA

UMBUZO 8: MBALA NGUBABA – PB Skhosana

- | | | |
|------|---|---|
| 8.1 | Wathi kufuze ithengiswe bese imali yakhona ifakwe kileyo esebulungelweni. | (2) |
| 8.2 | NguGotjiwe Sithole. | (2) |
| 8.3 | Wazitshaya ngetshayo elikhethekileko. | (1) |
| 8.4 | UMavela wagwetjwa iminyaka elitjhumi nabunane (18) kwathi abangani bakhe bagwetjwa umnyaka owodwa (1) umuntu ngamunye. | (2) |
| 8.5 | Wabe ayokufundela iziqu zeBSc kezokutlhogonyelwa kwemvelo? | (1) |
| 8.6 | EStandard Bank eGroblersdal. | (2) |
| 8.7 | Bathuswa kubona uMavela ahlangana neenlelesi ngombana bamazi aye ePitori ayokufuna umsebenzi. | (2) |
| 8.8 | Bathi kufuze itjhege lelo alibulunge liqede amalanga alikhomba, ngaphambi kobana angathola imali. | (2) |
| 8.9 | Ngiyavuma, ngombana bekathi nakahlangabezana nobujamo obubudisi akhumbule uZimu athandaze. | (2) |
| 8.10 | Kukobana uSkhosana wamtjhiya kwaMasango azange asabuya azomthatha ayokwazi lapha ahlala khona. Besele arhonona bonyana ngasuthi uSkhosana uyamdlelezela ngombana akakamnikeli ngitjho nondibilitjhi wemali yeenkomo. | (2) |
| 8.11 | <ul style="list-style-type: none"> - Saba siphetho esilungleko ngombana vele amasela kufanele avalelwé ekugcineni. - Siphetho esingakalungi bekufanele bamzwele ngombana bekangakafakwa esifisweni kanti bekathethe anabentwana. | (2) |
| 8.12 | <ul style="list-style-type: none"> - Bekufanele ngombana bekakhandela ipi engahle ibe khona emndeninakhe. - Bekafanele ngombana bekazi bona uMavela angalidla ayedwa nakangakenzi isifiso. - Bekungakafaneli ngombana umumuntu wesikhethu ye-ke bekufanele alilise lilawulwe ngesintu. | (1) <p>(Nanyana ngiyiphi ipendulo EYODWA kwezingehla izakwamukelwa)</p> |

- 8.13 - Wethulwe amlingisi oziphethe kuhle nonehlonipho.
 - Olalela ababelethi bakhe.
 - Othanda ifundo.
 (Nanyana ngiziphi iimpendulo EZIMBILI kwezingehla zizakwamukelwa) (2)
- 8.14 - Ngifunde ukobana ukungalaleli ababelethi akubuyiseli.
 - Ngifunde bona lokha nawungakafundi ugcina ngokutlhaga.
 - Ngifunde bona ubusela abubhadeli esikhundleni salokho kuphelelisana ejele.
 (Nanyana ngiyiphi ipendulo enembako ingathathwa.) (2)

[25]

NOFANA

UMBUZO 9: UKHOLIWE – N Skosana

IGRIDY YOKUTSWAYA I-ESEYI

IKHOWUDU NEMITLOMELO	OKUMUMETHWEKO (15)			ISAKHIWO NELIMI (10)
	Ukuhlathuluwa kwesihloko: Ukungenelela kokunikelwa kwamaphuzu azwakalako, ukusekela kanye nelwazi lencwadi (lenovela)			Isakhiwo, ukulandelana kwamaphuzu kanye nokwethulwa: Ukuzwakala kwelimi kanye nokuzwakala kwamaphuzu.
	Imltomelo		Imltomelo	
Ikhowudu 7 100–80%	Kuhle khulu 12–15	Uhlathulule isihloko ngokungeleleko begodu uwathinte woke amaphuzu amayelana nesihloko. Uphendule ngendlela ehle khulu. Kunamaphuzu amanengi asekelwe ngokunembako anqophiswa encwadini/ethekstini. Incwadi uyizwisise kuhle khulu kanye netheksti ekhutjhiweko. Umfundi ukwazile ukutlola inani lamagama elibekiweko.	Kuhle khulu 8–10	Umtlolo uhleleke kuhle. Kunesingeniso nesiphetho ezisezingeni elihle khulu. Kunokuthuthuka kwamaphuzu begodu azwakala kuhle. Ilimi, ukuzwakala kanye nokwethulwa kwamaphuzu azwakala kuhle atjengisa ukutjhube kwengqondo.
Ikhowudu 6 70–79%	Kuhle 11	Uhlathulule isihloko ngendlela enembako. Amaphuzu amanengi ngesihloko aveziwe. Unikele iimpendulo ezipheleleko. Amaphuzu anikelweko asekelwe kwezwakala begodu asekelwa kwanqophiswa encwadini/ethekstini. Incwadi uyizwisise kuhle. Umfundi ulinge ngokwanelisako ekufinyeleleni enanini lamagama elibekiweko.	Kuhle 7	Indaba/I-Eseyi ihleleke kuhle. Kunesingeniso esihle kanye nesiphetho. Imibono nokusekela kuyezwakala begodu kulula ukulandela. indaba. Indaba yethulwe kuhle. Ilimi, isakhiwo nokuzwakala kwendaba kuyafulwana umtlolo.
Ikhowudu 5 60–69%	Kusezingeni eliphezulu 9–10	Utgengise ukuzwisa umfundi. Iimpendulo pheze ziyakhambelana nesihloko. Imibono esekelweko ikhona kodwana ayikaveza yoke begodu ayikasekelwa njengombana bekulindelekile. Kunobufakazi obutjengisa bonyana uayizwisa incwadi nanyana itheksti. Umfundi ukwazile ukuveza okulindelekileko kodwana akakafinyeleli enanini elibekiweko.	Kusezingeni eliphezulu 6	Isakhiwo esihle nokusekela kwemibono okulandelekako. Isingeniso, isiphetho kanye neengaba kuhleleke kuhle. Imibono iveauwe beyasekelwa yezwakala. Kungatjhiwo ngokungangabazi bonyana ilimi, ukuzwakala kanye nesakhiwo sendaba kuyezwakala.

Ikhowudu 4 50–59%	Kusezingeni elanelisako 8	Isihloko usizwisisi bewasihlathulula ngendlela ephakathi begodu neminingwana ayikavezwa yoke. Amaphuzu amanengi asekela imibono eminengi akakavezwa ngendlela eyanelisako. Unelwazi elisezingeni eliphasi omtlolo ofundwako nanyana itheksthi. Umfundu pheze ukghonile ukufinyelela amaphesende ama-50 wenani lamagama alindelekileko.	Kusezingeni elanelisako 5	Bukhona ubufakazi besakhiwo. Indaba/leseyi ayinakho ukunamatheleana kwamaphuzu begodu ayilandeleki. Kuneemphoso ezenziwe elimini, ekuzwakaleni kwendaba kanye nekuhleweni kwendaba. Kodwana iingaba zakhiwe kuhle.
Ikhowudu 3 49–49%	Kusezingeni elilingeneko 6–7	Akakaphumeleli ukuphendula umbuso, iiempendulo zihlangahlangene. Umbuso akakawuzwisisi kuhle. Akukasekelwa kwezwakala begodu akukanqophiswa encwadini. Abafundi abakayizwisisi incwadi nanyana itheksti. Inani lamagama elisetjenziswe mfundi lingaphasi kwamaphesende ama-50.	Kusezingeni elilingeneko 4	Sitjengisa iimphoso. Akukasekelwa kwezwakala begodu iiempendulo zihlangahlangene. Akukasetjenziswa iingaba. Kubonakala iimphoso zelimi ezinengi. Ukuzwakala kanye nelimi akukhambeleni nomnqopho womtlo/r.J 10
Ikhowudu 2 30–39%	Kusezingeni eliphasi 5	Isihloko akakasizwisisi kuhle. Ubuyelete amaphuzu kezinye iindawo uveze namaphuzu angafunekiko. Akatlolli amaphuzu azwakalako/ Amaphuzu awatlolileko akakasekelwa kuhle bekwazwakala. Akayazi kuhle itheksti kanye nencwadi le. Inani lamagama asetjenziswe mfundi lincani kunalelo elibekiweko.	Kusezingeni eliphasi 3	Indaba ayikethulwa ngefanelo ukungakahelwa kuhle ngikho okwenza ukulandelana kwamaphuzu kungezwakali. Kuneemphoso ezinengi zelimi begodu nokusetjenziswa kwelimi okunganembiko kwenza umtlolo 10 ungezwakali.
Ikhowudu1 29–0%	Akakaphumeleli 0–4	iiempendulo ezinkelweko azizwakali begodu azikanamathele esihlokweni esinikelweko, kulikhuni ukuzilandela nanyana azikhambeleni nombuzo. Uhlulekile ukunikela iiempendulo ekungizo. Amaphuzu ambalwa awanikeleko akakasekelwa. Incwadi kanye netheksti akayazi kuhle. Inani lamagama asetjenziswe mfundi lincani khulunofana linengi khulu kunalelo elibekiweko.	Akakaphumeli 0–2	Kulikhuni ukutjho bonyana kukhulunywe ngokwanelisako ngesihloko. Abukho ubufakazi bokuhlelwakwesakhiwo nanyana ukulandelana kwamaphuzu. Ilimi elisetjenzisiweko lisezingeni eliphasi khulu begodu alizwakali.

Isibonelo**Okum-Kh-(Tlola ikhowudu enikelweko)-(Imitlomelo)****Isak-Kh-(Tlola ikhowudu enikelweko)-(Imitlomelo)****Isibonelo nasi ngenzasi****Okum-Kh- 6-11****Isak- Kh - 4-5****=16**

UMHLAHLANDLELA WOKUTSHWAYA UMBUZO 9

Abatloli bemitlolo esuselwa ehloko batlola ngezenzuko ezithileko ngeminqopho yokuthinta imizwa yethu. Kanengi lezozenzo zisuke zithinte imimmoya yethu ngeendlela ezahlukahlukene ko ukusukela ekuthomeni bekuyokufika esiphethweni, kuye ngokuthi loyo mtlolo uveza wuphi ummoya. Umtloli ungasivezel a ummoya wethabo nofana wokudana. Nasiyelela indlela umtloli wenovela le asethulele yona ngayo singatjho bona uphumelele ukuveza ummoya wokudana oletha nokutjhuguluka kwalokho ebekulindelwe.

Esingenisweni senovela le sithola uSipho azokuthokozisa uKholiwe ngokulotjolwa kwakhe. Simuzwa athi kuye bekangasatjho bona usazakutjhada nakakhumbula indlela aphatheka ngayo ngesenko sakazondani sokuzibulala. Esikhundleni sokobana kube nethabo sithola uKholiwe athluwa kangangokuthi agcine sele alila, esingathi umtloli usivezel a ummoya wokudana. Ngemva kwesikhathi eside uKholiwe angenile emtjhadweni simthola aba nehliziyo ebuhlungu nakabona umntwanakhe akhombisa amatshwayo wokukhula. Lokho kuletha ummoya wokudana ngombana sithola woke umuntu aba nehliziyo ebuhlungu nakabona uKholiwe angakakhululeki emmoyeni.

UMuzi uba nehliziyo ebuhlungu uKholiwe nakangafuni ukumtjela bona umrarwakhe ukuphi. Sithola abantwana bakaKholiwe babaneenhliyi eziibuhlungu nababona unina aphela kodwana abhalelwu kutjela uyise bona umrarwakhe ukuphi. Koke lokhu kuveza ummoya wokudana. Isehlakalo esidanisa kunazo zoke kulokha uKholiwe azibulala ngokusela amapilisi ngokweqileko. Kwathluwa woke umuntu obekatjhidelene noKholiwe. Isehlakalwesi silethe ukudana nakithi abafundi benovela le nasicabanga ubudisi uKholiwe adlule kibo kodwana wakghona ukubukghodlhelela. Kuyasidanisa ukumbona azibulala sekunokobana aphandlise ithumba elimpethekweli mhlawumbe uMuzi bekangmduduza aze aphole emmoyeni.

Ihlangahlangano eyaba semzini kaSipho phakathi kwakaKholiwe nomkaSipho yenza bona uKholiwe aphelelwu mamandla ngombana indaba besele ithoma ukuvela kuMuzi kodwana ivela ngendlela uKholiwe agade angakayihleli ngakhona. Ekugcineni sithola uKholiwe azibulala ngaphambi kobana uSipho atjele uMuzi bona yini edla uKholiwe. Nasiyelela indlela izehlakalwezi ezenzeka ngayo ziyakhombisa bona umtloli wenovela le uphumelele ukuzilamanisa ngepumelelo ukwenzela bona ekugcineni zibumbe indaba ezwakalako.

Umtloli wenovela le usiphethelo yona ngesiphetho-phekghu. Lokhu sikutjho ngombana besingakalindeli bona uKholiwe angagcina azibulele. Indaba kaZondani besele inesikhathi eside yenzeka begodu uKholiwe besele adlule ebudisini obukhulu kodwana wakghona ukujamelana nabo. Ebekufanele kwenzeke kukobana athi nakabona bona indaba kaZondani iyabuya emkhumbulwenakhe avele atjele uMuzi kube kanye. Njengombana umtloli asithulele bona bamakholwa besilindele bona indaba le bayirarulula ngokobana babawe uZimu bona abararululele yona bese iyadlula. Okhunye ebesikulindele kukobana uSipho ayokutjela uMuzi ngendaba le bese umtloli usitjela ngegadango elithathwa nguMuzi ngemva kokuzwa indaba le. Besilindele bona ekugcineni kube nokuzwana phakathi koMuzi noKholiwe kodwana esikhundleni salokho sithola kuba nokuhukana ngokobana uKholiwe azibulale. Kungebangelo sithi kunokutjhuguluka kwalokho ebekulindelwe enovelini le.

[25]

NOFANA

UMBUZO 10: UKHOLIWE – N Skosana

- 10.1 Bekafundela ibizelo lokuba ngutitjhere. (1)
- 10.2 Vlaklaagte no-2. (1)
- 10.3 UseDaveyton. (1)
- 10.4 NguDavi. (1)
- 10.5 Wasebenzisa amapelisi. (1)
- 10.6 Ukholiwe. (1)
- 10.7 Kubona umntwanakhe womntazanyana uBusi akhombisa amatshwayo wokukhula ngombana ukusuka ngalelo langa azange asaba nokuthula emoyeni. (2)
- 10.8 Wathi abantu abatjhadileko bafanele bazane njengabantu abakhula boke bangafihlelani litho. (2)
- 10.9 - Kwabangelwa kukuzidumuza kwakaZondani ngombana uKholiwe amalile.
- UZondani ngaphambi kobana abhubhe wakhulumamagama athi, ufa nje kungebangala lakaKholiwe. (2)
- 10.10 Ngunina kaKholiwe ngombana ubamazi umntwanakhe begodu yena noKholiwe begade bavulelana iimfuba. Nangathana uKholiwe bekamthandile uZondani begade azomtjela. (3)
- 10.11 Unese owanikelwa nguZondani incwadi bona ayinikele unina bekufanele enze njengombana uZondani ambawile ngombana lokho bekuzokudlulisa umlayezo ovela kuZondani bona uKholiwe bekangamthandi. (2)
- 10.12 Ihloso yomtloli ngenovela le kusivezela bona ukuba nefihlo ngento ekudlakonofana engakakuphathi kuhle kungakwenze ugcine uzibulele. Umtloli uhlulekile ukusethulela umlayezo lo ngoKholiwe ngombana isimilo amnikele sona asikhambelani nesenzo sakhe. Umtloli usivezele uKholiwe alikholwa kodwana akalandeli indlela amakholwa enza ngayo.
(Nanyana ngiyiphi ipendulo enembako ingathathwa) (3)
- 10.13 Angivumelani nayo ngombana abantu laba bebazi indaba ngendlela engasiyo. Bekufanele abekezele njengekholwa ngombana ngelinye ilanga bekuzakuvela bona akusinguye owenze bona uZondani azibulale.
(Nanyana ngiyiphi ipendulo enembako ingathathwa.) (2)
- 10.14 Akusiqunto esihle ngombana indaba yokobana uZondani uzibulalele ini besele izokuvela. Njengombana besele ayile kuSipho bekufanele athembele kuye bona amtjelele uMuzi indaba le.
(Nanyana ngiyiphi ipendulo enembako ingathathwa) (3)
[25]

ISIGABA C: UMDLALO/IDRAMA**UMBUZO 11: *IBHUDANGO LAMI* – TG Mnguni****IGRIDY YOKUTSWAYA I-ESEYI**

IKHOWUDU NEMITLOMELO	OKUMUMETHWEKO (15)		Imitlomelo	ISAKHIWO NELIMI (10)
	Ukuhlathululwa kwesihloko: Ukungenelela kokunikelwa kwamaphuzu azwakalako, ukusekela kanye nelwazi lencwadi (lenovela)			
	Imitlomelo		Imitlomelo	
Ikhowudu 7 100–80%	Kuhle khulu 12–15	Uhlathulule isihloko ngokungeleleko begodu uwathinte woke amaphuzu amayelana nesihloko. Uphendule ngendlela ehole khulu. Kunamaphuzu amanengi asekelwe ngokunembako anqophiswa encwadini/ethekstini. Incwadi uyizwisise kuhle khulu kanye netheksti ekhutjhiweko. Umfundi ukwazile ukutlola inani lamagama elibekiweko.	Kuhle khulu 8–10	Umtlolo uhleleke kuhle. Kunesingeniso nesiphetho ezisezingeni elihle khulu. Kunokuthuthuka kwamaphuzu begodu azwakala kuhle. Ilimi, ukuzwakala kanye nokwethulwa kwamaphuzu azwakala kuhle atjengisa ukutjhube kwengqondo.
Ikhowudu 6 70–79%	Kuhle 11	Uhlathulule isihloko ngendlela enembako. Amaphuzu amanengi ngesihloko aveziwe. Unikele iimpendulo ezipheleleko. Anikelweko asekelwe kwezwakala begodu asekelwa kwanqophiswa encwadini/ethekstini. Incwadi uyizwisise kuhle. Umfundi ulinge ngokwanelisako ekufinyeleleni enanini lamagama elibekiweko.	Kuhle 7	Indaba/I-Eseyi ihleleke kuhle. Kunesingeniso esihle kanye nesiphetho. Imibono nokusekela kuyezwakala begodu kulula ukulandela. indaba. Indaba yethulwe kuhle. Ilimi, isakhiwo nokuzwakala kwendaba kuyafuwanelia umtlolo.
Ikhowudu 5 60–69%	Kusezingeni eliphezulu 9–10	Utgengise ukuzwisia umfundi. Impendulo pheze ziyakhambelana nesihloko. Imibono esekelweko ikhona kodwana ayikavezwa yoke begodu ayikasekelwa njengombana bekulindelekile. Kunobufakazi obutjengisa bonyana uyayizwisia incwadi nanyana itheksti. Umfundi ukwazile ukuveza okulindelekileko kodwana akakafinyeleli enanini elibekiweko.	Kusezingeni eliphezulu 6	Isakhiwo esihle nokusekelwa kwemibono okulandelekako. Isingeniso, isiphetho kanye neengaba kuhleleke kuhle. Imibono iveauye beyasekelwa yezwakala. Kungatjhiwo ngokungangabazi bonyana ilimi, ukuzwakala kanye nesakhiwo sendaba kuyezwakala.
Ikhowudu 4 50–59%	Kusezingeni elanelisako 8	Isihloko usizwisise bewasilathulula ngendlela ephakathi begodu neminingwana ayikavezwa yoke. Amaphuzu amanengi asekela imibono eminengi akakavezwa ngendlela eyanelisako. Unelwazi elisezingeni eliphasi omtlolo ofundwako nanyana letheksti. Umfundi pheze ukghonile ukufinyelela amaphesende ama-50 wenani lamagama alindelekileko.	Kusezingeni elanelisako 5	Bukhona ubufakazi besakhiwo. Indaba/leseyi ayinakho ukunamatelana kwamaphuzu begodu ayilandelesi. Kuneemphoso ezenziwe elimini, ekuzwakaleni kwendaba kanye nekuhlwensi kwendaba. Kodwana iingaba zakhiwe kuhle.

Ikhowudu 3 49–49%	Kusezingeni elilingeneko 6–7	Akakaphumeleli ukuphendula umbuzo, iimpendulo zihlangahlangene. Umbuzo akakawuzwisi kuhle. Akukasekelwa kwezwakala begodu akukanqophiswa encwadini. Abafundi abakayizwisi incwadi nanyana itheksti. Inani lamagama elisetjenziswe mfundi lingaphasi kwamaphesende ama-50.	Kusezingeni elilingeneko 4	Sitjengisa iimphoso. Akukasekelwa kwezwakala begodu iimpendulo zihlangahlangene. Akukasetjenziswa iingaba. Kubonakala iimphoso zelimi ezinengi. Ukuzwakala kanye nelimi akukhambelani nomnqopho womtlo/r.J 10
Ikhowudu 2 30–39%	Kusezingeni eliphasi 5	Isihloko akakasizwisi kuhle. Ubuyelete amaphuzu kezinye iindawo uveze namaphuzu angafunekiko. Akakatlolli amaphuzu azwakalako/ Amaphuzu awatlolileko akukasekelwa kuhle bekwazwakala. Akayazi kuhle itheksti kanye nencwadi le. Inani lamagama asetjenziswe mfundi lincani kunalelo elibekiweko.	Kusezingeni eliphasi 3	Indaba ayikethulwa ngefanelo ukungakahlelwa kuhle ngikho okwenza ukulandelana kwamaphuzu kungezwakali. Kuneemphoso ezinengi zelimi begodu nokusetjenziswa kweleli okunganembiko kwenza umtlolo 10 ungezwakali.
Ikhowudu1 29–0%	Akakaphumeleli 0–4	iimpendulo ezinikelweko azizwakali begodu azikanamatheli esihlokweni esinikelweko, kulikhuni ukuzilandela nanyana azikhambeleni nombuso. Uhlulekile ukunikela iimpendulo ekungizo. Amaphuzu ambalwa awanikeleko akakasekelwa. Incwadi kanye netheksti akayazi kuhle. Inani lamagama asetjenziswe mfundi lincani khulunofana linengi khulu kunalelo elibekiweko.	Akakaphumeleli 0–2	Kulikhuni ukutjho bonyana kukhulunywe ngokwanelisako ngesihloko. Abukho ubufakazi bokuhlelwa kwasakhiwo nanyana ukulandelana kwamaphuzu. Ilimi elisetjenzisiweko lisezingeni eliphasi khulu begodu alizwakali.

Isibonelo**Okum-Kh-(Tlola ikhowudu enikelweko)-(Imitlomelo)****Isak-Kh-(Tlola ikhowudu enikelweko)-(Imitlomelo)****Isibonelo nasi ngenzasi****Okum-Kh- 6-11****Isak- Kh - 4-5****=16****UMHLAHLANDLELA WOKUTSHWAYA UMBUZO 11**

Ummongo-ndaba ngilokho umtloli asuke asitjela ngakho nafuna bona sikhazi. Abatloli bamanovela basebenzisa abalingisi abahlukahlukenenko ngezenzo nangeemilo ukwenzela bona ummongo-ndaba wabo uphumelele.

Umtloli uveze **uMbulawa** anebhudango lokobana afunde abe mjameli wamalungelo wobuntu. Nasi tjheja ibanga alifundako kutjengisa bona iminyakakhe isavuma bona abe sesikolweni. Nje-ke kulilungelo lakhe ukobana afunde. Sithola bona ilungelo lakhe lokufunda ligadangelwa likhuwa ngombana lisazi bona uTjhili akusilula bonyana angakhetha ukufuduka ngoba ukhubazekile. Ikuwelvi vele belihlose bona uMbulawa aphume esikolweni azokujamela uyise ngombana besele lazi bona ufunu ukufundela ukuba mjameli wamalungelo wobuntu. Ukobana uMathumbu bekahlose ukumphazamisa bona angafezi ibhudango lakhe ubonakala ngokobana afikise iposo ngemva kwesikhathi. Kanti nokutjhayisa limtjhayisisa ebusuku khulu ukwenzela bona angathola isikhathi esaneleko sokufunda.

UTjhili naye kuzwakala bona walimala asemsebenzini eplasini lakaMathumbu lapha asikwa khona mtjhini obhulako. Sifumana nanyana alimalele emsebenzini nje kodwana azange abhadelwe. Sithola ilungelo lakhe lokubamsebenzi ligandelelwwe ngombana umthetho uthi umuntu nakalimalele emsebenzini kufanele kube nemadlana ancancabezwa ngayo. Bekufanele atlole imvumo yokuhlala simahla kungabi nokuthi kufanele alethe umuntu ozomjamela eplasini ngombana kulilungelo lakhe njengesisebenzi esilimalele emsebenzini. Kuthi kusese njalo kuvela nendaba yokobana nakangakhuphi uMbulawa esikolweni kufanele afuduwe. Nalapho kubonakala ilungelo lokubamhlali weplasini ligandelelwwe khulu.

Abasebenzi nabo amalungelo wabo bekagandelewwe ngombana bebanikelwa isikhathi esincani sokudla. Ilutjha lathi lizama ukobana kwelulwe isikhathi sokudla kodwana uVenter walikhomba libaba. Elinye ilungelo labo ebelligandelewwe ngelokobana lokha umuntu/indoda ingabhubha namkha ilimalele emsebenzini kufanele umndenayo uqothwe nakungasekho umuntu ozokusebenza eplasini. Abasebenzi begade badinywe ilungelo lokunghala umsebenzinofana lokuzwakalisa iinghonghoyilo zabo ngombana bebathenjiswa ukuqothwa nofana babizelwe amapholisa. Amapholisa bekabetha bekalumisa abatjhagali ngezinja nj-e-ke ilungelo labatjhagali lokuphepha nalo beligandelewwe.

Ilungelo lokungenela ihlangano oyithandako beligandelewwe nalo ngombana sizwa bona uMbulawa wabotjhewa ukuba neencwadi zehlangano ekhulunyisa bona yayivalwe umlomo. Nawulilunga lehlangano enye ngaphandle kwehlangano ebusako bewubizwa ngevukela mbuso, nj-e-ke bewubotjhwa uvalelwwe ejele elisemanzini iRobben Island. Sitjelwa bona iimbotjhwa bezibotjhwa ngaphandle kokugwetjwa, zitlhoriswa bezibulawa. Nje-ke amalungelo weembotjhwa wokuphepha nokuphila nawo bekagandelewwe khulu.

[25]

NOFANA

UMBUZO 12: *IBHUDANGO LAMI – TG Mnguni*

- | | | | |
|------|--------|--|-----|
| 12.1 | 12.1.1 | BakwaMdanyana. | (1) |
| | 12.1.2 | - Ukunghala umsebenzi ngokungekho emthethweni.
- Ukubamba umhlangano ongekho emthethweni. | (4) |
| | 12.1.3 | Ejele elisemanzini. | (1) |
| | 12.1.4 | Umtjhayeli wesithuthi esasilayitjhe izimvu wamfaka ngemgodleni wamlalisa hlangana nezimvu bewayokufika naye eBotswana. | (2) |
| | 12.1.5 | Bekafunwa mapholisa ngomlandu wokuthiya isithuthumbisi esabulala amakuwa amatjhumi amabili nambili etatawini lakamakhakhulararhwe. | (2) |
| | 12.1.6 | Akusilo iqiniso nazo bezizwelana nomfelokazi kaMasuku ngombana kuna la zitjho khona bona ziyazwelana naye kodwana akukho ezingakwenza. Zathi abanikele koke kuZimu. | (2) |

- 12.1.7 - Besaba bona uVenter uzabaqotha eplasini.
 - Besele bajayele ukusebenza ngaphasi kobujamo obuqokamileko nje-ke bebangawuboni umehluko. (2)
- 12.2 12.2.1 - Bekukufuna amakhetho angabanja ngombana banevalo lokobana angahle athunjwe yihlangano yabarukghudlhi ebizwa bona iSihlephulelani.
 - Besaba bona ihlangano yesiSihlephulelani ingahloma ikomitjhani ezokwenza irhubhululo ngendlela isipholisa ebe siphatha ngayo iimbotjhwa zombanganarha. (4)
- 12.2.2 Bebefuna amapholisa angamboni lokha nakangena naye eBotswana ngombana bekangakaphathi incwadi yokuzazisa ephathwa bavakatjhi. (2)
- 12.2.3 Kusivezela bona amakuwa abanikazi bamaplesi wangesikhathi sebandlululo bekabaphatha njani abantu abanzima ebebakhela amaplasabo. (2)
- 12.2.4 Angeze. Nawunebhudango ofuna ukulifezekisa akunanto engakuvimba njengombana sibonile ngoMbulawa.
 - Iye. Nawunebhudango bese kuba neenqabo endleleni yokulifezekisa zingakeqeda amandla ugcine ulisile ibhudango lakho litjhabalale. (2)
- 12.2.5 Iye siyakholweka ngombana vele abantu abadala bebawahlonipha khulu amakuwa nanyana amancani kibo bebarabhela indawo yokuhlala. (1)
[25]

NOFANA

UMBUZO 13: *UMBANGO KANZUNZA NOMANALA – SM Mnguni*

UMHLAHLANDLELA WOKUTSHWAYA UMBUZO 13

Ummongo-ndaba ngilokho umtloli asuke asitjela ngakho nafuna bona sikhazi. Abatloli bemidlalo basebenzisa abadlali abahlukahlukene ngezenzo nangeemilo ukwenzela bona ummongo-ndaba wabo uphumelele.

Umtloli womdlalo lo ubasebenzise ngendlela efaneleko abadlali bakhe ukusethulela ummongo-ndaba womdlalo lo okumlando wokuhlukana kwesitjhaba samaNdebele kwaba neetjhaba ezimbili isitjhaba sakwaManala nesitjhaba sakwaNzunza ngaphasi kwekosi uMusi. Banengi abadlali abadlale indima eqakathekileko ukuthula ummongo-ndaba womdlalo lo kodwana kilomhlahlandela sizokudzubhula abambalwa esingathi umdlalo lo udzimelele khulu kibo bese sihlathulula umdlali ngamunye bona umtloli umsebenzise ngepumelelo kangangani ekusethuleleni ummongo-ndaba womdlalo lo.

Umtloli usivezele ikosi uMusi abusa isitjhaba samaNdebele sisese sitjhaba esisahlangeneko endaweni yakwaMnyamana. Esingenisweni somdlalo lo umtloli usithulela uMusi anganapilo ehle begodu angasaboni nemehlweni. Ngokubona ubujamo bakhe obungasibuhle simthola acabanga ukudlulisela ubukhosи kiloyo ozomlama asaphila, esingathi yinto engakajayelesi esitjhabeti samaNdebele. Simthola enza ubutjhapha ngokobana amemezele esitjhabeti azwiwe mumuntu woke bona ubukhosи bufanele buthathwe nguManala begodu kufanele azobuthatha ayedwa ngamasa.

Koke lokhu umtloli ukwenze ngehoso yokobana uNzunza, ongakafanelwa bukhosи akghone ukuluka amano azomphumeleisa ngokuyelela ubujamo bakayise nendlela azokudlulisa ngayo unamrhali. Nasitjelwa bona uNzunza wambatha isikhumba senyamazana enoboya wayokugalaja uyise unamrhali akusirari ngombana umtloli usithulele ngaphambili ubujamo bekosi uMusi. Ngalokho singatjho bona umtloli umsebenzise ngefanelo umdlali onguMusa ukuragelisa umdlalo lo phambili bewuyokufika kilokho akuhlosileko.

Umtloli usithulele umdlali onguManala amumuntu organandaba nezinto ezenzeka ngesigodlwani nozithandela ukukhipha ubuzimba. Ngakeline ihlangothi uManala wethulwe njengomuntu ongathatheli izinto ehloko nowenza izinto kabuthaka. Isimilo umtloli asinikele uManala simsiza bona umdlalo lo uragele phambili ngombana kwenza bona kube lula bonyana uNzunza amphambe ayokuthatha unamrhali. Njengabafundi bomdlalo lo akusirari nasithola uNzunza kuba nguye othatha unamrhali ngombana sazi bona nakukhulunywa indaba le ebandla uManala begade angekho ayokuzuma.

UNzunza nakalala emnyango welawu lakayise alindele bona kuse khona azakwazi ukuthatha unamrhali, siyazi bona uManala uzabe asalele ngombana umtloli asethulele bona umumuntu othatha sakhe isikhathi ukwenza ngendlela alayelwe ngayo. Ubukutani bakaManala bokuzuma umtloli ubusebenzisele ukwenzela bona ngemva kobana uNzunza athethe unamrhali kusuke umbango, uManala agijimisane noNzunza nesitjhaba sakhe ngehoso yokufumana unamrhalakhe. Umbango lo uragela phambili nangemva kokucima kwelanga uManala ngombana woke amakhosi amabambela esitjhabeti saManala siwathola agijimisana nesitjhabeti samaNzunza. Ngalokho singatjho bona umtloli umsebenzise ngefanelo umdlali onguManala ukuphumeleisa ummongo-ndaba womdlalo lo.

Umtloli usithulele uNzunza kumdlali okhuthalele iindaba zobukhosи nohlala akhona nakunemihlangano ngesigodlwani. Umthule amdlali ongumajabajaba, ohlakaniphileko nonesibindi. Nanyana uNzunza asizwa ngunina kodwana indlela enza ngayo kuyatjho bona naye ngokwakhe umtloli umsebenzise njengomdlali onamaqhingga ngombana ngemva kobana athethe unamrhali wakghona ukurobha isitjhabeti bona simlandele nanyana sazi nje bona ubukhosи ngebakaManala ngokwendabuko. Indlela umtloli amethule ngayo uNzunza imenze bona aphumelele ukufikisa umdlalo lo kummongo-ndaba awuhlosileko ngombana kuze cube nombango nokuhlukana phakathi kwesitjhabeti samaNdebele kubangelwe mrhobholo uNzunza abe nawo wokungafuni bona ubukhosи buthathwe nguManala njengokutjho kwesintu. Ngalokho singatjho bona umtloli umsebenzise ngefanelo uNzunza ukwethula ummongo-ndaba womdlalo lo.

Nasitjheja indlela umtloli womdlalo lo abasebenzise ngayo abadlali abahlathululwe ngehla kuyasikhombisa bona ubasebenzise ngepumelelo ekulu kanti begodu ukwazila ukusethulela ummongo-ndaba ngendlela ezwakalako. Sikhuluma nje nanamhlanje isitjhaha samaNdebele sisahlukene kabilo njengokutjho komtloli womdlalo lo ngombana kunesitjhaha sakwaManala nesitjhaha sakwaNzunza.

Ngokomlando kuyavela bona ekuthomeni amaNdebele abe asitjhaha esisodwa esahlukana ngaphasi kwekosi uMusi nanyana kungaveli kuhle bona indlela ekwahlukanwa ngayo ekhulunyiswa mtloli emdlalweni lo iliqiniso kangangani.

(Namanye amaphuzu angavezwa bafundi, ikani nje nakazwakalako)

[25]

IGRIDYOKUTSHWAYA I-ESEYI

IKHOWUDU NEMITLOMELO	OKUMUMETHWEKO (15)		Imitlomelo	ISAKHIWO NELIMI (10)
	Ukuhlathululwa kwesihioko: Ukungenelela kokunkelwa kwamaphuzu azwakalako, ukusekela kanye nelwazi lencwadi (lenovela)			
Ikhowudu 7 100–80%	Kuhle khulu 12–15	Uhlathulule isihloko ngokungeleleko begodu uwathinte woke amaphuzu amayelana nesihloko. Uphendule ngendlela ehle khulu. Kunamaphuzu amanengi asekelwe ngokunembako anqophiswa encwadini/ethekstini. Incwadi uyizwisise kuhle khulu kanye netheksti ekhetjhiweko. Umfundi ukwazile ukutlola inani lamagama elibekiweko.	Kuhle khulu 8–10	Umtlolo uhleleke kuhle. Kunesingeniso nesiphetho ezisezingeni elihle khulu. Kunokuthuthuka kwamaphuzu begodu azwakala kuhle. Ilimi, ukuzwakala kanye nokwethulwa kwamaphuzu azwakala kuhle atjengisa ukutjhuba kwengqondo.
Ikhowudu 6 70–79%	Kuhle 11	Uhlathulule isihloko ngendlela enembako. Amaphuzu amanengi ngesihloko aveziwe. Unikele impendulo ezipheleko. Anikelweko asekelwe kwezwakala begodu asekelwa kwanqophiswa encwadini/ethekstini. Incwadi uyizwisise kuhle. Umfundi ulinge ngokwanelisako ekufinyeleleni enanini lamagama elibekiweko.	Kuhle 7	Indaba/I-Eseyi ihleleke kuhle. Kunesingeniso esihle kanye nesiphetho. Imibono nokusekela kuyezwakala begodu kulula ukulandela. indaba. Indaba yethulwe kuhle. Ilimi, isakhiwo nokuzwakala kwendaba kuyafulanela umtlolo.
Ikhowudu 5 60–69%	Kusezingeni eliphezulu 9–10	Utjengise ukuzwisia umfundi. Impendulo pheze ziyakhambelana nesihloko. Imibono esekelweko ikhona kodwana ayikavezwa yoke begodu ayikasekelwa njengombana bekulindelekile. Kunobufakazi obutjengisa bonyana uyayizwisia incwadi nanyana itheksti. Umfundi ukwazile ukuveza okulindelekileko kodwana akakafinyeleli enanini elibekiweko.	Kusezingeni eliphezulu 6	Isakhiwo esihle nokusekelwa kwemibono okulandelekako. Isingeniso, isiphetho kanye neengaba kuhleleke kuhle. Imibono iveauze beyasekelwa yezwakala. Kungatjhiwo ngokungangabazi bonyana ilimi, ukuzwakala kanye nesakhiwo sendaba kuyezwakala.

Ikhowudu 4 50–59%	Kusezingeni elanelisako 8	Isihloko usizwisisi bewasihlathulula ngendlela ephakathi begodu neminingwana ayikavezwa yoke. Amaphuzu amanengi asekela imibono eminengi akakavezwa ngendlela eyanelisako. Unelwazi elisezingeni eliphasi omtlolo ofundwako nanyana itheksthi. Umfundu pheze ukghonile ukufinyelela amaphesende ama-50 wenani lamagama alindelekileko.	Kusezingeni elanelisako 5	Bukhona ubufakazi besakhiwo. Indaba/leseyi ayinakho ukunamathelana kwamaphuzu begodu ayilandelesi. Kuneemphoso ezenziwe elimini, ekuzwakaleni kwendaba kanye nekuhlwensi kwendaba. Kodwana iingaba zakhiwe kuhle.
Ikhowudu 3 49–49%	Kusezingeni elilingeneko 6–7	Akakaphumeleli ukuphendula umbuzo, iiempendulo zihlangahlangene. Umbuzo akakawuzwisi kuhle. Akukasekelwa kwezwakala begodu akukanqophiswa encwadini. Abafundi abakayizwisi incwadi nanyana itheksti. Inani lamagama elisetjenziswe mfundi lingaphasi kwamaphesende ama-50.	Kusezingeni elilingeneko 4	Sitjengisa iimphoso. Akukasekelwa kwezwakala begodu iiempendulo zihlangahlangene. Akukasetjenziswa iingaba. Kubonakala iimphoso zelimi ezinengi. Ukuzwakala kanye nelimi akukhambelani nomnqopho womtlo/r.J 10
Ikhowudu 2 30–39%	Kusezingeni eliphasi 5	Isihloko akakasizwisi kuhle. Ubuyelele amaphuzu kezinye iindawo uveze namaphuzu angafunekiko. Akakatloli amaphuzu azwakalako/ Amaphuzu awatlolileko akakasekelwa kuhle bekwazwakala. Akayazi kuhle itheksti kanye nencwadi le. Inani lamagama asetjenziswe mfundi lincani kunalelo elibekiweko.	Kusezingeni eliphasi 3	Indaba ayikethulwa ngefanelo ukungakahlela kuhle ngikho okwenza ukulandelana kwamaphuzu kungezwakali. Kuneemphoso ezinengi zelimi begodu nokusetjenziswa kwelimi okunganembiko kwenza umtlolo 10 ungezwakali.
Ikhowudu1 29–0%	Akakaphumeleli 0–4	iiempendulo ezinikelweko azizwakali begodu azikanamatheli esihlokweni esinikelweko, kulikhuni ukuzilandela nanyana azikhambeleni nombuzo. Uhlulekile ukunikela iiempendulo ekungizo. Amaphuzu ambalwa awanikeleko akakasekelwa Incwadi kanye netheksti akayazi kuhle. Inani lamagama asetjenziswe mfundi lincani khulunofana linengi khulu kunalelo elibekiweko.	Akakaphumeleli 0–2	Kulikhuni ukutjho bonyana kukhulunye ngokwanelisako ngesihloko. Abukho ubufakazi bokuhlela kwesakhiwo nanyana ukulandelana kwamaphuzu. Ilimi elisetjenzisiweko lisezingeni eliphasi khulu begodu alizwakali.

Isibonelo**Okum-Kh-(Tlola ikhowudu enikelweko)-(Imitlomelo)****Isak-Kh-(Tlola ikhowudu enikelweko)-(Imitlomelo)****Isibonelo nasi ngenzasi****Okum-Kh- 6-11****Isak- Kh - 4-5****=16****NOFANA**

UMBUZO 14: UMBANGO KANZUNZA NOMANALA – SM Mnguni

- | | | | |
|------|--------|---|-----|
| 14.1 | 14.1.1 | Ngebokobana bazomthola njani unamrhali bona abe ngakuNzunza | (1) |
| | 14.1.2 | NguNzunza. | (1) |
| | 14.1.3 | (a) - Abonina sebabamathambo amhlophe.
- Intandani.
(Umfundi angatlola ipendulo EYODWA kezingehla) | (1) |
| | | (b) Umsusathuli. | (1) |
| | 14.1.4 | Akusilo iqiniso. Ufuna ukuthi amtjele iindaba ezikhulunya ebandla ngamaqhinga.
- Liqiniso ngombana uthi namhlana bazakusuka eMhlangeni kwase kwabanjwa umhlangano ofana nawo lo obanjwe namhlanje. | (2) |
| | 14.1.5 | - Avele ahleka
- Ngendu uzakubuya uzokuthatha lesithathu
- Ngibawa ubuye naniqedileko ngifuna ukukhuluma nawe nakuphadhlalala ibandla.
(Umfundi angatlola nanyana ngiyiphi imitjho EMBILI kwengehla) | (2) |
| | 14.1.6 | Ufuna ukubuza uNgendu bona ikosi ithi ngubani ofanele athathe unamrhalinofana ozokubusa ngemva kwayo. | (2) |
| | 14.1.7 | Kukobana afike ngemva kwesikhathi abekelwe bona afike ngaso. Nangathana wafika ngesikhathi abekelwe sona bekazokufika phambi konNzunzanofana bafikisane bese iqhinga lakaNzunza lokuthatha unamrhali liyafelela. | (2) |
| | 14.1.8 | UNgendu ukhulise indaba ngokutjela uNanasi bona ikosi ithi uManala azomthatha njani unamrhali ngombana ukwazi kwakananasi kwenza bona abe neqhinga azalilukisa uNzunza. Lokhu kutjho bona ngathana azange amtjele uNanasi bengeze abe neqhinga elagcina liphumelelise uNzunza bona athole unamrhali. | (2) |
| 14.2 | 14.2.1 | - Liqiniso ngombana ngaphambi kobana uNanasi akhulumisane noNzunza ngobukhosи akuveli bona uNzunza uyabufuna ubukhosи.
- Akusilo iqiniso ngombana simuzwa abuza unina uNanasi bona uyise nakathatha unamrhali amnikela uManala yena uzokufumanani ebukhosini bakayise. Amagama la atjho khona bona naye uyabufuna ubukhosи.
- Akusilo iqiniso ngombana nabegade anganandaba nobukhosи bengeze amlalele unina nakathi akayokuthatha unamrhali ngobukirikitjhani. | (3) |
| | | (Nanyana ngiyiphi ipendulo enembako ingathathwa) | |

- 14.2.2 - Imveza amdlali ohlakaniphileko ngombana wakghona ukwembatha isikhumba senyamazana esenza bona uyise angasizwa bona ngesenyamazana. Wakghona ukuzitjhugulula ilizwi akhulume njengoManala uyise wangamuzwa.
- Imveza njengomdlali osigebengu ngombana wagenga uyise ngokumbona bona akasanapilo ehle begodu akasaboni emehlwani.
- Imveza njengomdlali ongahlonipho ngombana isenzo sakhe sokugebenga uyise nomfowabo sikhombisa ukungahloniphi abantu abakhulu kunaye nokungahloniphi ikambiso yamasiko.

(Nanyana ngiyiphi ipendulo enembako ingathathwa)

(3)

- 14.2.3 - Isenzo sekosi sokudlulisa ubukhosu isaphila asikholweki.
- Isenzo sekosi sokungahlukanisi phakathi kwasikhumba senyamazana nesomuntu asikholweki.
- Ukungahlukanisi kwekosi amaphimbo wabantwana bayo nakho akukholweki.
- Izenzo lezi ziwuphumelelisile ummongo-ndaba womdlalo ngombana ekugcineni sithola bona uNzunza usebenzise amaphutha enziwe yikosi la ukuthola unamrhali.

(3)

- 14.2.4 - Ngiyamzwela ngombana ngokwendabuko bekufanele kube nguye ikosi. Begade angakatjheji bona ukuriyada kwakhe kungagcina kumluzise ubukhosu.
- Angimzweli ubuhlungu ngombana kwathiwa afike ekuseni yena wadosa iinyawo. Ngathana wenza njengombana alayelwe bengeze abuluza ubukhosu bakhe.

(2)
[25]

IMITLOMELO YESIGABA C: 25
INANI LOKE: 80